
Jezero Van...jezero kao more, historija kao legenda...

Diyarbakir - Tatvan - Ahlat -Van - Dogubejazit - Kars - Ani - Erzurum -Trabzon

TERMIN PUTOVANJA: 02.10-10.10.2021

Doživite magiju Istočne Turske na putovanju koje nikad nećete zaboraviti. Zajedno ćemo istražiti njezinu kulturu i tradiciju, te proći labirintom historije u potrazi za korjenima civilizacije. Zakoračit ćemo u prastari grad Ani na samoj Armenskoj granici, gledati vrh planine Ararat iz čuvene palače Ishak Paše, ploviti jezerom Van, okruživat će nas prirodne ljepote, samotni krajevi u kojima ćemo osjetiti koliko smo mali i koliko je priroda čudesna.



CIJENA ARANŽMANA:1.599,00 KM

U CIJENU URAČUNATO:

- prijevoz avionom Sarajevo-Istanbul- Diyarbakir / Trabzon -Istanbul -Sarajevo
- prijevoz autobusom visoke turističke klase tokom cijele ture
- smještaj u hotelima 4* **na bazi (noćenje + doručak) 2 noćenja Diyarbakir; 1 noćenje Tatvan; 2 noćenja Van; 1 noćenje Kars; 1 noćenje Erzurum; 1 noćenje Trabzon**
- transfer aerodrom-hotel u Diyarbakir-u i hotel-aerodrom u Trabzonu
- svi obilasci i razgledi prema programu uz pratnju profesionalnog licenciranog vodiča na našem jeziku
- ulaznice za sve objekte iz programa
- vožnja brodom po jezeru Van do ostrva Akdamar i nazad
- vožnja minibusom za izlazak na manastir Sumela
- organizacija putovanja
- pratilac grupe
- putno osiguranje i osiguranje od otkaza putovanja za osobe do 60 godina

U CIJENU NIJE URAČUNATO:

- doplata za večeru (8 večera) 200,00 KM
- doplata za jednokrevetnu sobu -----390,00 KM
- doplata za osiguranje putno zdravstveno i osiguranje od otkaza za osobe preko 60 godina - 36,00 KM
- ostale usluge koje nisu izričito navedene u ovom programu

Cijene izražene po osobi u dvokrevetnoj / trokrevetnoj sobi. Kalkulacija radena na bazi 30 uplata , u slučaju manjeg broja uplata cijena se uvećava za 100,00 KM

PROGRAM PUTOVANJA:

1. DAN 02.10.21 (subota) SARAJEVO – ISTANBUL – DIYARBAKIR

Sastanak na aerodromu dva sata prije leta. Podjela dokumenata i prijava na let TK 1022 (Turkish Airlines). Polijetanje u 09:05 h, slijetanje u Istanbul u 12:00 h, po lokalnom vremenu, te nastavak leta na liniji TK 2606 u 16:40 h za Diyarbakir. Dolazak u Diyarbakir u 18:45 h, nakon pasoške i carinske kontrole transfer do hotela. **Dobrodošli u Diyarbakir grad na vratima Mesopotamije.** Smještaj u hotel, večera, noćenje.

2. DAN 03.10.21 (nedjelja) DIYARBAKIR (“Magija jugoistoka”)

Doručak. Nakon doručka obilazak grada. Diyarbakir je grad smješten u jugoistočnoj Anadoliji. Zbog svog geografskog položaja tokom istorije je bio domaćin za 33 različite civilizacije. Tragovi se mogu zapaziti po ulicama grada, sokacima, u crkvama, mostovima. Usljed činjenice da predstavlja kapiju Azije ka Mezopotamiji, Diyarbakir je tokom historije uvijek bio bitan trgovinski centar i most koji povezuje kulture. Pošto se nalazio na Putu svile, najljepši hanovi i mostovi, najvrjednije historiske i kulturne građevine poput **Ulu džamije, Tvrđave Diyarbakir i Bašte Hevsel** su izgrađene upravo ovdje. **Tvrđava Diyarbakir** u sebi sadrži tragove svih civilizacija koje su prošle kroz ovaj grad. Tvrđava je oblikovana skladno vremenu i njenim kulturnim potrebama a stara je oko 7000 god. Na kapijama zidova koji se protežu u dužini od 5,5 km., na natpisima i kaligrafskim ukrasima se mogu primjetiti tragovi svih civilizacija. Zidovi izgrađeni u dva reda, imaju 4 glavne kapije i nakon Kineskog zida ovo su najduži zidovi na svijetu. **Bašta Hevsel** je prostor koji je smješten između zidova grada Diyarbakira i rijeke Tigar. Na hiljade godina se koristi i kao poljoprivredno dobro. Ovo je možda i najstariji ambar žitarica u Mesopotamiji. Ovo plodno zemljište je nastalo smanjenjem nivoa rijeke Tigar, a nakon žitarica koje su sijane u antičko doba, na ovim usjevima sada uspijeva svaka vrsta voća i povrća, a naročito poznata lubenica iz Diyarbakira, koja je jako velika. Za njenu veličinu kaže se, zaslužno je đubre golubova. **Bašta Hevsel** je ujedno i najveći **Ptičji raj** u jugoistočnoj Anadoliji. Pored 180 vrsta ptica, ovdje živi i veliki broj životinja, kao što su vidra, lisica, kuna i jež. Panorama regije predstavlja pravi vizuelni doživljaj. Veličanstveni zidovi i bašte su smješteni u organskoj regiji i kao takvi su uvršteni na 14. teritorijalno tursko naslijeđe, da bi 2015. bili uvršteni i na **UNESCO-vu** listu svjetskog naslijeđa. Da li ste znali da se **Velika džamija (Ulu džamija)** u Diyarbakiru smatra jednim od najsvetijih mjesta na svijetu? Ono što je zapisano i ušlo kao dio historije je podatak da je ova džamija bila crkva kada su Arapi osvojili Diyarbakir 639. godine. U početku su dio crkve koristili kao džamiju, a kasnije preobratili skroz u džamiju i ona se smatra najstarijom u Anadoliji. Zbog godine osvajanja, na samom početku širenja islama, kažu da je ovo peta najvažnija džamija. Arhitektura



džamije, koja je i dan danas ostali ista, datira iz 1091.god. kada je ovu oblast osvojio sultan Seldžučkog Carstva, Malik-Šah I. Motiv arhitekture je uzet od Umayyad džamije iz Damaska, džamije koja je važna i hrišćanima i muslimanima zbog istorije mjesta i vjerovanja da će se na ovom mjestu na sudnjem danu pojaviti Isus, to jest Isa a.s. Džamija može primiti oko 5.000 vjernika za molitvu. Nakon obilaska nastavljamo prema poznatoj **Sipahiler čarsiji i hanu Hasan Paše ...** Kad dođete na Sipahi bazar imate iluziju da šetate tržnicom koja je ostavljena od prije više vijekova dok promatrate proizvođače filca, klompi i sedlare na poslu, gdje ćete naići na tkače tepiha i ćilima i vidjeti ruke majstora koji spretno obrađuju srebro, sada baš kao u stara vremena. Hasan Pašin han datira od 1572. - 1575. godine, poznato je da ga je izgradio Vezirzade Hasan-paša, sin Sokullu Mehmet-paše, koji je u to vrijeme bio guverner. Objekat je sagrađen na dva sprata u centralnom dijelu dominira fontana sa kupolom, a nekadašnje sobe osmanske građevine su pretvorene u trgovine i restorane... Slobodno vrijeme do povratka u hotel. Večera, noćenje.





3. DAN 04.10.21 (ponedjeljak) AHLAT (cca 315km)

DIYARBAKIR - TATVAN-

Doručak. Nakon doručka nastavljamo vožnju prema **Tatvanu i Ahlatu**. Po dolasku u **Ahlat** obilazak historijskog gradića u istočnoj Anadoliji, gdje se nalazi najveće svjetsko muslimansko groblje. Ahlat se nalazi na obali jezera Van u pokrajini Bitlis u jugoistočnom dijelu Turske. Turci Seldžuci su ga koristili kao vojnu bazu za napad unutrašnjih dijelova Male Azije koji su bili pod vlašću Vizanta. Ahlat je postao turski grad nakon bojišta Mankizert u 1071. god.; grad je pun turskih grobalja koji su se u to vrijeme koristili za skladištenje municije tokom rata, a kamenje je podignuto kao najstarija turkomanska tradicija s pisanim natpisima u njihovo ime. Zato je Ahlat prihvaćen kao



najveće tursko-islamsko groblje s više od **8000 nadgrobnih spomenika i sarkofaga**.

Grobnice i kamenje u Ahlatu su jedinstveni a Ahlat je danas prihvaćen kao najveći muzej na otvorenom u Turskoj. Masovni Ahlatovi grobovi i nadgrobnji spomenici koji odražavaju tursku arhitekturu srednjeg vijeka nalaze se u starom dijelu grada. Oko 1000 njih je jako velikih dimenzija; 3,5-4 metra visine i imaju lijepe dekoracije s pisanim natpisima kao pravougaonim oblicima sa svake strane. Svaki od njih je jedinstven i ima privatni članak u značenju. Niti jedan nije isti. Ahlatški spomenici su stari otprilike 900 godina i naučnici ih smatraju starim pisanim dokumentima u turskoj historiji. Pisani dokumenti detaljno su ispitani, natpisi koje su pročitali stručnjaci i prevedeni su na turski sa arapskog jezika. Turska vlada je proglasila Ahlat jednim od očuvanih područja i podnijela zahtjev da **UNESCO** preuzme Ahlatove nadgrobnje spomenike na popis Svjetske baštine 1983. godine. Glavna groblja Ahlat-a su kvadratno groblje, Salomonovo groblje s prijestoljem, groblje Kırklar mezarlihi-četrdesete, centralno groblje, ruševno groblje i dvorsko groblje. Nakon razgleda Ahlata povratak u Tatvan. Smještaj u hotel, večera i noćenje.

4. DAN 05.10.21 (utorak)

TATVAN- VAN (cca 120km)



Doručak. Nakon doručka vožnja obalom jezera Van prema istoimenom gradu. **Grad Van** je smješten na 1750 m nadomorske visine i u historiji je poznat još iz 8. vijeka p.n.e. Gradom su redom vladali Armenci, Perzijanci, Arapi, Seldžuci te Osmanlije. Grad se nalazi na najvećem jezeru u Turskoj, **jezeru Van**, (turski: Van Gölü). Jezero je slano i ima površinu od 3.755 km². U njega se ulijeva veliki broj manjih vodenih tokova koji teku sa okolnih planina. Van jezero je najveće jezero na svijetu čija voda ne otiče. Prvobitna rijeka koja je oticala iz jezera blokirana je nakon erupcije nekog prahistorijskog vulkana. Iako se jezero nalazi na nadmorskoj visini od 1.640 metara gdje su zime izrazito oštre, ne zamrzava se zbog velikog saliniteta, osim ponekad u sjevernom

području jezera gdje je relativno plitko, ukupnog obima 430km. Po dolasku u grad otisnut ćemo se na brodsku vožnju prema najvećem otoku **Akdamar** koji se nalazi oko 60km jugoistočno od grada Van (30-ak minuta vožnje brodom). Ostrvo oblikom podsjeća na duboku cipelu na čijem se donjem dijelu nalazi najpopularnija destinacija otoka, a to je jermenska Crkva Svetog Krsta iz 10. vijeka. Crkva Ahtamar (preciznije, Crkva svetog križa) nalazi se na istoimenom otoku. Za ovu crkvu vezana je legenda o nastanku: na dvije strane jezera živjeli su mladić i djevojka čija je ljubav bila zabranjena. Svaku noć, Tamara – to je, naime, bilo ime djevojke – palila bi veliku vatru kako bi svom ljubavniku pokazala kako da doplovi do nje. Kada je to saznao njen otac, umjesto na kopnu, vatru je zapalio na obližnjem otoku. Momak je upao u zamku i, umirući na otoku, izgovorio posljednje riječi: ah, Tamara. Motivi iz vanjskog dijela crkve pričaju priče iz Biblije a unutarnji zidovi su obloženi freskoslikarstvom u pretežno svjetlo-plavoj, bijeloj i crnoj boji. Nakon obilaska crkve slobodno vrijeme do odlaska u hotel. Smještaj u hotel, večera, noćenje.

5. DAN 06.10.21 (srijeda)

VAN

Doručak. Nakon doručka obilazak tvrđave Van. **Tvrđava Van** poznata i kao Van Citadel, turski: Van Kalesi ili kurdski: Kela Wanê je masivno kameno utvrđenje koje je sagradilo drevno kraljevstvo Urartu tokom 9. do 7. vijeka p.n.e. i predstavlja najveći primjer te vrste. Drevna tvrđava nalazi se zapadno od grada i istočno od jezera Van, Dvorac, koji je dugo bio glavni grad države Urartu pod imenom Tuspa, sagradio je kralj Urartu I. Sarduri. Noviji dio tvrđave datira iz 13. vijeka kada su tvrđavu nadogradili Seldžuci. Osim raznolikih dijelova tvrđave, na najvišem dijelu nalazi se antički natpis u klinastom pismu poznatog perzijskog kralja Kserksa "Ja mogu Ahuramazda zaštititi zajedno s bogovima i moje kraljevstvo i ono što sam učinio." kojeg je historija zapamtila kao pokretača Drugog grčko-perzijskog rata. Iz seldžučkog perioda nadogradnje tvrđave, na južnom dijelu, nalaze se ostaci starog grada Vana, koji je bio naseljen sve do 20. vijeka a i sada se mogu vidjeti obrisi prijašnjih nastamba. Jasno nasljeđe Seldžuka se može vidjeti u velikim starim minaretima koji u kontrastu s malim džamijama predstavljaju pravi užitak za oči. U podnožju tvrđave sazidane su stare kućice od

pečene gline i slame. Nakon obilaska tvrđave nastavljamo prema arheološkom muzeju. Arheološki muzej je osnovan 1930.god. U muzeju ćete vidjeti odabranu zbirku Urutu kraljevine, a najznačajniju postavku u muzeju predstavlja prostorija sa trinaest reljefnih stećaka iz perioda starog vijeka. Obilazak nastavljamo prema



” **Kući Van mačke**”. Mačka Van poznata je širom svijeta po svom bijelom krznu i očima različite boje, posebna je po tome što voli vodu i kupa se u jezeru. U svijetu je registrovano nešto manje od pet stotina mačaka. S obzirom da je veoma rijetka država je odlučila da zaštiti ovu vrstu mačke pa je na 10 km od grada na obalama jezera napravila kuću nalik malom zoološkom vrtu, kompleks je sastavljen iz zgrada sa različitim prostorijama u kojem živi oko cca 80 mačaka. Spoljašnji dio ograđen je žicom u kojem mačke šetaju. Unutar kuće nalazi se veliki stakleni dio u koji uz pratnju možete ući i pomaziti mačke. Nakon obilaska put nastavljamo prema Van

bazaru. Slobodno vrijeme do povratka u hotel. Večera, noćenje

6. DAN 07.10.21 (četvrtak)

VAN-DOGUBEJAZIT-KARS (cca 350km)

Nakon doručka polazak za grad Kars. Na putu posjećujemo Muradiye vodopad koji je 100km udaljen od provincije Van i nudi prekrasne krajolike ljeti i zimi. **Vodopad Muradiye** na rječici Bendimahi visok je 15 metara, a ovih dana je mjesto koje obilaze lokalni i strani turisti uživajući u jesenjim bojama u njegovoj blizini. Četrdeset metara dug most izgrađen od kestenovine savršeno se uklapa u ambijent. Muradiye vodopad je jedno od najposjećenijih mjesta kad su u pitanju nadolazeći turisti. Djelomično se zamrzne kada temperatura padne ispod nule. Nakon posjete vodopadu nastavljamo put ka gradiću Dogubejazit u samom podnožju **Ararata, najveće planine u Turskoj** (5156m). Radi se o



snijegom pokrivenoj vulkanskoj kupoli koja se u svetim knjigama označava kao mjesto gdje se nasukala Nuhova lađa. U podnožju planine Ararat nalazi se bajkovita **Palata Ishak paše** koja će Vas sigurno ostaviti bez daha budući da izgledom podsjeća na priču iz 1001 noći. Izgradnja palate Ishak paše počela je 1685.god. a završena je gotovo 100 godina kasnije. Palata je kompleks od 336 prostorija sastavljen od unutarnjeg i vanjskog dvorišta, medrese, džamije, odaja za slugu i gardu, zatvora, harema, hamama i bašte. Ova palata je **drugi najveći sultanski kompleks poslije čuvenog Topkapija**. Palatu je izgradio kurdski namjesnik Ishak paša koji je novac potreban za

izgradnju sakupio naplaćivanjem putarine karavanima koji su kroz ovaj gradić prolazili na “Putu svile”. Palata se takođe nalazi na **UNESCO**-voj listi čekanja za upisivanje u listu Svjetske baštine. Originalna pozlaćena vrata palate se sada čuvaju u St. Peterzburgu. Nakon obilaska nastavljamo prema mjestu **Meteor Çukuru - Ağrı** (meteorskom krateru) nalazi se 35 km istočno od centra Doğubayazit i otprilike 2 km sjeveroistočno od carinske kapije Gürbulak. To je prirodno zaštićeno područje drugog stepena koje je 1988.god. registrirao Regionalni odbor za zaštitu kulturne baštine Erzurum. Kraška depresija je duboka 60 m i prečnik je 35 m. Kaže se da je među mještanima 1892. God.



noću pao veliki meteorit, dogodio se tresak i vodeni izvori sela Gülveren tekli su zamagljeno. U predvečerje dolazak u Kars, smještaj u hotelu, večera i noćenje.



7. DAN 08.10.21 (petak)

KARS -ERZURUM (cca 290km)

Nakon doručka, iz Karsa krećemo prema granici s Armenijom kako bi posjetili **Ani Harabeleri**, srednjovjekovnu prijestolnicu armenskog carstva iz 10. vijeka. Od milja nazvan gradom “1001 crkve” ovaj grad je na vrhuncu svoje moći bio među najvećim gradovima svijeta. Tragovi nekada velikog carstva i razvijene kulture i danas su vidljivi na ruševinama koje su danas postale nezaobilazna turistička atrakcija na istoku Turske. Ovo arheološko blago je 2016.godine uvršteno na **UNESCO**-vu listu svjetske baštine. Kao nekadašnje nezaobilazno stajalište na “Putu svile”, arheološki kompleks Anija sadrži građevine u rasponu od 7. do 12. vijeka uključujući zidine, hramove, crkve, džamije, mostove, stare nastambe i mnogo toga drugog. Sve građevine su u dobroj mjeri očuvane tako da ćete bez sumnje uživati u svojevrsnoj šetnji kroz prošlost. Nakon pauze krećemo prema gradu Erzurum. Po dolasku u hotel previđen je kraći odmor a zatim obilazak znamenitosti unutar grada Erzeruma. Prva od njih je **Yakutye medresa** izgrađena početkom 14.vijek a smještena je u starom jezgru grada. Građevina je u obliku pravougaonika s unutarnjim vrtom, nekadašnjim sobama za učenike, umjetničkim slikama i motivima

koji su očuvani u izvornom stanju. Medresa se danas koristi kao etnografski muzej turske i islamske umjetnosti. Po obilasku medrese, u neposrednoj blizini nalazi se i **Cifte Minare medresa (u prijevodu "Medresa s dva minareta")** koja je izgledom još impresivnija od prethodne. Ovu medresu je izgradila kćerka tadašnjeg seldžučkog sultana 1271.godine. Najveća medresa u Anadoliji je prvenstveno bila teološka škola, da bi se kasnije koristila kao skladište baruta i oružja u kasnijim ratovima. Promjera 35x40, s minaretima visine 26m i s dva sprata, medresa je ukrašena orijentalnom kaligrafijom a izgrađena je uz same zidine Starog grada. U južnom dijelu kompleksa nalazi se i turbe. Nakon obilaska samog srca grada Erzurum, povratak u hotel, večera i noćenje.

8. DAN 09.10.2020 (subota) ERZURUM - TRABZON (cca 320km)

Nakon doručka polazak za Trabzon. Na putu za Trabzon posjetit ćemo **Sumela manastir** koji se nalazi u istočnom dijelu crnomorske regije u sred crnog brda. Ova drevna crkva je stara preko 1700 godina, i predstavlja jedan od najstarijih manastira na svijetu. Prema predajama, Sumela je manastir koji je napravljen u 3.vijeku u vizantijskom periodu od strane dva sveštenika koja su došla iz Atine. Nakon dugog perioda crkva je dobila na važnosti tako da je postala mjesto u kome su se posebno u 8.vijeku skupljali veliki prihodi. U 18.vijeku je obnovljen veći dio ove crkve, a neki zidovi su obojeni freskama. U 19.vijeku je, nakon što je dodat veliki broj prostorija, manastir dobio svoj divan izgled. Sumela manastir je vijekovima bio bitan vjerski centar i mjesto gdje su se skupljale i edukovale velike grupe ljudi. Glavni dijelovi manastira su sobe, soba za prijem, biblioteka i sveta pisma. Zidovi su obojeni freskama, a glavne teme koje prolaze na freskama su detalji iz života Isa a.s. i hazreti Merjeme. Sumela manastir se narodnim jezikom naziva Majka Merjema. Dolazak u hotel, večera, noćenje.

9. DAN 10.10.2020 (nedjelja) TRABZON - ISTANBUL - SARAJEVO

Nakon doručka, odjava iz hotela. Na putu do aerodroma odlazimo u posjetu **Aja Sofije** u Trabzonu koja predstavlja jedan od najznačajnijih kulturno-historijskih spomenika crnomorskog dijela Turske. Kao što je slučaj i s mnogo poznatijom Aja Sofijom u Istanbulu, građevina je bila vizantijska crkva izgrađena kao pandan istanbulskoj. Napravljena je polovinom 13.vijeka. Unutrašnjost je dekorisana prelijepim freskama i podnim mozaicima. 1461.godine crkva je pretvorena u džamiju, 1923.godine po završetku restauracije postala je muzej iako se i danas jedan njen dio koristi kao džamija. Po završetku obilaska, transfer na aerodrom u cca 13:00h. Prijava na let za Istanbul TK2825 (Turkish Airlines). Polijetanje u 15:30 h, slijetanje u Istanbul u 17:40 h, po lokalnom vremenu, te nastavak leta na liniji TK 1025 u 19:20 h za Sarajevo. Dolazak u Sarajevo u 20:15h po lokalnom vremenu. **KRAJ USLUGE**

USLOVI OTKAZA I NAČIN PLAĆANJA:

Prilikom prijave za putovanje potrebno je uplatiti 40% ukupnog iznosa, a ostatak 20 dana prije početka putovanja. Prijava za putovanje vrijedi isključivo uz uplatu navedenog depozita. Minimalan broj putnika za putovanje je 30. Ukoliko se na putovanje ne prijavi dovoljan broj putnika najkasnije 5 dana prije početka paket aranžmana putnička agencija je dužna obavijestiti putnika o doplati ili otkazu putovanja. Završne informacije telefonski dostavljamo 2 dana prije početka putovanja.

SA PRVOM UPLATOM PRIHVATATE OPĆE USLOVE PUTOVANJA TURISTIČKE AGENCIJE V.I.P. TRAVELS.

Storniranje putovanja: Za otkaz 50 - 40 dana prije polaska: 30% storno troškova; 40-30 dana: 40% storno troškova; za 30-20 dana prije polaska: 50%; storno troškova: 20-0 dana prije polaska zadržava se puni iznos – osim ako u programu drugacije nije navedeno.

Ukoliko putnik prilikom prijave za putovanje predviđa da bi zbog nepredviđenih okolnosti morao otkazati putovanje, a u cilju izbjegavanja troškova odustajanja, tada može uplatiti osiguranje od otkaza. Osiguranje od otkaza naplaćuje se prilikom sklapanja Ugovora te ga nije moguće uplatiti naknadno

OPŠTE NAPOMENE ZA PUTOVANJA:

● Agencija zadržava pravo da, u slučaju izmjene cijene prijevoza, izmjene deviznog kursa, nedovoljnog broja prijavljenih putnika i slično, izmjeni cijenu putovanja za odgovarajući iznos. U okviru razgledanja gradova navedenih u programima putovanja, nisu predviđene posjete ni obilasci enterijera javnih građevina, institucija i spomenika kulture, osim kada je to posebno naznačeno. Usluge turističkog vodiča, turističkog pratioca, lokalnog turističkog vodiča ili lokalnog predstavnika organizatora, predviđene programom putovanja, ne podrazumjeva njihovo cjelodnevno i kontinuirano prisustvo, već samo kontakt i neophodnu-nužnu pomoć putniku, po unaprijed utvrđenim terminima periodičnog dežurstva, objavljenih na oglasnoj tabli ili na drugi prikladan način. Usmene i bilo koje druge vrste informacija, koje se razlikuju od onih koje su sadržane u pisanom programu putovanja ili posebnom pisanom ugovoru, ne obavezuju organizatora i ne mogu biti osnov za isticanje prigovora ili reklamacije. Organizator zadržava pravo promjene redoslijeda pojedinih sadržaja u programu. Kod autobuskih aranžmana predviđene su pauze radi usputnog odmora na oko 3-4 sata vožnje. Zaustavljanja su na usputnim stajalištima ili benzinskim pumpama, a u zavisnosti od uslova na putu iraspoloživosti kapaciteta stajališta. **KOD AVIO TURA MINIMALNA VALIDNOST PASOŠA MORA BITI 150 DANA OD DANA ULASKA U ZEMLJU.** Svakiputnik mora imati uplaćeno putničko zdravstveno osiguranje (vlastito ili uplaćeno putem agencije) bez obzira da li podliježe procesu viziranja BH pasoša ili ne.

OPŠTE INFORMACIJE:

Turska, zvanično Republika Turska, (demokratska, sekularna, unitarna, ustavna republika) nalazi se većim delom (oko 97%) u jugozapadnoj Aziji (Mala Azija) i manjim delom (oko 3%) u jugoistočnoj Evropi (Balkan). Ova Evroazijska država izlazi na četiri mora – Crno na severu, Mramorno na severozapadu, Egejsko na zapadu i Sredozemno more na jugu. Graniči se sa Grčkom i Bugarskom na zapadu, Gruzijom, Jermenijom, Azerbejdžanom i Iranom na istoku i Irakom i Sirijom na jugu. Evropski i azijski deo Turske odvaja Mramorno more i moreuzi Bosfor i Dardaneli koji ujedno čine vodeni "most" između Crnog i Sredozemnog mora.

Najviša planina Turske je Ararat (Agri Dagi), sa najvišim vrhom Veliki Ararat 5.165 metara.

Zahvaljujući izuzetnom geografskom položaju Turska ima veoma veliki strateški značaj, jedinstvenu mešavinu kultura i predstavlja vrlo cenjenu turističku destinaciju.

HRANA I PIĆE: Turska kuhinja slovi kao jedna od raznolikijih i ukusnijih. Dakle putovanje Turskom je krasno kulinarsko iskustvo. Svaki dan možete probati novi turski specijalitet, a oni se od regije do regije mijenjaju. Tu nisu samo svjetski poznati kebabi svih mogućih vrsta, već i niz slasnih povrtnih i mesnih te ribljih jela, širok



izbor slastica i zanimljivih pića. Od pića je svakako najomiljeniji napitak od jogurta ajran, koji za vrućih mjeseci olakšava putovanje i obavezan, uvijek prisutan turski čaj. Dovoljno je i svježeg voća i voćnih sokova. Turska je hrana vrlo sigurna i na putovanju se uvijek hranimo u provjerenim lokalnim ili ponekad turističkim restoranima. Preporučujemo da pijete vodu iz boce.

SIGURNOST: Turska je sigurna zemlja. Ljudi su ljubazni i otvoreni. Uprkos pretežno ljubaznim i poštenim ljudima u gužvama na tržnicama i turističkim mjestima uvijek se kreću i džeparoši koje privlači vaša imovina. Preporučujemo vam da tokom putovanja pazite na ličnu imovinu i da na putovanje ne nosite dragocjenosti ili druge vrijednije predmete! Agencija ne odgovara za mogući gubitak vaše lične imovine.

ODJEĆA: Turska je muslimanska zemlja. Predlažemo da vaša garderoba uključuje odjeću koja pokriva ramena, dekolte i koljena (dugi i kratki rukavi, poluduge hlače, prozirne suknje...). Pripremite se na ljetno vrijeme, no nešto tople odjeće neće škoditi. Posebno na putovanju istočnom **Turskom**. Dobro se pripremite na zaštitu od sunca (glava, vrat). Preporučujemo vam otvorene cipele (izdržljivije sandale s dobrim potplatom) za pretežni dio putovanja i udobne zatvorene cipele za moguća duža pješčenja.

LOKALNA VALUTA: Turska lira; 1 TL (=0,30KM)

KREDITNE KARTICE, BANKOMATI: Kreditnim karticama možete plaćati u trgovinama. Novac možete podizati na bankomatima s različitim provizijama (VISA, MASTERCARD, ponegdje MAESTRO). Povremeno podizanje gotovine na bankomatima ne funkcioniše zbog čega vam za svaki slučaj preporučujemo da kod sebe uvijek imate gotovine.

KOMUNIKACIJA, TELEFON, INTERNET: Pozivni broj iz Turske za Bosnu i Hercegovinu je 00 387 + područni broj (bez 0) + broj koji se poziva. Pozivni broj iz Bosne za Tursku je 00 90 + područni broj (bez 0) + broj koji se poziva. Telefoni i internet su dostupni posvuda, mobiteli rade.

ELEKTRIČNI NAPON: Napon je 220 V i koriste se jednake utičnice kao i kod nas.

OPĆI PODACI O DRŽAVI

- Veličina: 783 562 km²
 - Stanovništvo: nešto manje od 80 miliona
 - Glavni grad: Ankara
 - Jezik: **turski**
 - Vjera: islam 99,8% (većinom suniti), ostale vjere (većinom kršćanstvo i judaizam) 0,2%
 - Uređenje: republička parlamentarna demokracija, 81 provincija, predsjednik države: Redžep Tajip Erdoan
 - Lokalno vrijeme: GMT +2
-